

《無量壽經優婆提舍願生偈》 補充講表

◎附表五：

○寶華千萬種，彌覆池流泉，微風動華葉，交錯光「亂」轉。「亂」有二含義：

一、亂：本義，理絲也。人以一手持絲，又一手持互以收之，絲易亂，以互收之，則有條不紊，故字訓治訓理也。所以亂：即治理也。如《論語》云：「予有亂臣十人。」《書經》云：「茲予有亂政同位。」眾多的光與色互相交錯，並且有次序的輝映。

二、亂：向四面八方照映。蓮華種種眾多的光與色互相交錯輝映，並且向四面八方的方向照映而不雜亂。

《佛說觀無量壽佛經》云：「一一池水，七寶所成。其寶柔軟，從如意珠王生，分為十四

支；一支，作七寶妙色。黃金為渠，渠下皆以雜色金剛，以為底沙；

一一水中，有六十億七寶蓮華；一一蓮華，團圓正等十二由旬。」

又云：「其摩尼水，流注華間，尋樹上下。其聲微妙，演說苦、空、無常、無我、諸波羅蜜，復有讚歎諸佛相好者。」

※七寶池水殊勝妙用（分三：一、水能隨意。二、水能說法。三、能生勝樂。）

一、水能隨意 以下為《佛說無量壽經》經文

彼諸菩薩，及聲聞眾，若入寶池，意欲令水沒足，水即沒足；欲令至膝，即至於膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖，自然隨意。

二、水能說法

波揚無量自然妙聲，隨其所應，莫不聞者。或聞佛聲，或聞法聲，或聞僧聲，或寂靜聲、空無我聲、大慈悲聲、波羅蜜聲，或十力無畏不共法聲、諸通慧聲、無所作聲、不起滅聲、無生忍聲，乃至甘露灌頂眾妙法聲。如是等聲，稱其所聞，歡喜無量。

三、能生勝樂：

隨順清淨離欲寂滅真實之義，隨順三寶力無所畏不共之法，隨順通慧菩薩聲聞所行之道。

○佛慧明淨日，除世癡闇冥。（以下糅合《往生論註》）

此二句，名莊嚴光明功德成就。佛本何故興此莊嚴？見有國土，雖復頂有日光，而為愚癡所闇。是故願言：使我國土所有光明，能除癡闇，入佛智慧，不為無記之事。亦云：

安樂國土光明，從如來智慧報起，故能除世闇冥。經言：或有佛土，以光明為佛事，即是此也。故言：佛慧明淨日，除世癡闇冥。

《佛說無量壽經》云：「設我得佛，十方無量不可思議諸佛世界眾生之類，蒙我光明觸其

身者，身心柔軟，超過天人。若不爾者，不取正覺。」（第三十三願、蒙光柔軟）

以下為《佛說無量壽經》之「華光出佛」。分五：

一、明華數量

又眾寶蓮華，周滿世界。

二、明華形色

一一寶華，百千億葉，其華光明，無量種色，青色青光、白色白光，玄黃朱紫，光色赫然，
煒燁煥爛，明曜日月。

三、明華放光

一一華中，出三十六百千億光。

四、光中出佛

一一光中，出三十六百千億佛，身色紫金，相好殊特。

五、化佛度生

一一諸佛，又放百千光明，普為十方說微妙法。如是諸佛，各各安立無量眾生於佛正道。

○梵聲悟深遠，微妙聞十方（以下糅合《往生論註》）

天竺國稱淨行為梵行，稱妙辭為梵言。彼國貴重梵天，多以梵為讚。

聲者，名也；名，謂安樂土名。經言：若人但聞安樂淨土之名，欲願往生，亦得如願；此名悟物之證也。釋論言：如斯淨土非三界所攝，何以言之？無欲故，非欲界；地居故，非色界；有色故，非無色界，蓋菩薩別業所致耳。出有而有曰微，（出有者，謂出三有；而有者，謂有淨土也）。名能開悟曰妙（妙，好也；以名能悟物，故稱妙）。

《佛說無量壽經》云：

設我得佛，十方世界無量諸佛，不悉咨嗟稱我名者，不取正覺。（第十七願、諸佛稱歎）

設我得佛，十方無量不可思議諸佛世界眾生之類，聞我名字，不得菩薩無生法忍，諸深總持者，不取正覺。（第三十四願、聞名得忍）

設我得佛，十方無量不可思議諸佛世界諸菩薩眾，聞我名字，壽終之後，常修梵行，至成佛道。若不爾者，不取正覺。（第三十六願、常修梵行）

○正覺阿彌陀，法王善住持。（以下糅合《往生論註》）

此二句，名莊嚴主功德成就。佛本何故興此願？見有國土，羅剎為君，則率土相噉。寶輪駐殿，則四域無虞。譬之風靡，豈無本耶！是故興願，願我國土，常有法王，法王善力之所住持。

住持者，如黃鵠持子安，千齡更起。魚母念持子，經樂（音學，指夏有水，冬無水之處。）不壞。安樂國為正覺善住持，其國豈有非正覺事耶？是故言：正覺阿彌陀，法王善住持。

※《往生論註》云：「佛力住持，即入大乘正定之聚；正定，即是阿毘跋致。」

※《南齊書·州郡志》指出有個叫子安的仙人，曾騎黃鵠（即鶴，古“鵠”、“鶴”二字通）經過黃鵠磯。（鵠，音湖。形狀像鵝，體較鵝大，鳴聲宏亮，善飛。亦稱“天鵝”。）

※《大智度論》卷七十九云：「菩薩不為諸佛所念者，則善根朽壞；如魚子不為母念，則爛

壞不生。」